

李商隱

竹居玃廬

全唐文
卷七百七十四之七百七十六

孝商選

竹居號

金鹿文

孝商選

欽定全唐文卷七百七十七目錄

李商隱^七

爲舍人絳郡公上李相公啟

爲絳郡公上李相公啟


爲絳郡公上史館李相公啟

爲絳郡公上崔相公啟

爲興元裴從事賀封尚書加官啟

爲崔從事寄尚書彭城公啟

爲白從事上陳許李尚書啟



爲東川崔從事謝辟啟

爲東川崔從事謝聘錢啟

爲山南薛從事謝辟啟

爲同州張評事謝辟啟

爲同州張評事謝聘錢啟

爲李貽孫上李相公啟

爲柳珪上京兆公謝辟啟

爲柳珪上京兆公謝衣絹啟

爲柳珪上京兆公謝馬啟

爲張周封上楊相公啟

爲某先輩獻集賢相公啟

爲韓同年瞻上河陽李大夫啟

爲舉人上翰林蕭侍郎啟

爲舉人獻韓郎中琮啟

謝座主魏相公啟

謝宗卿啟

懷宗懷恩

懷聖主殿前公

爲舉人韓羽中

爲舉人王維林

爲韓同平鄉士

爲舉人王維林

爲舉人王維林

欽定全唐文卷七百七十七

李商隱

七

爲舍人絳郡公上本

公啟

聞量力省躬典刑之深旨材任事聖哲之良規某雖
甚頗嚮斯義屬者謬圖仕進因藉時來伏值相公顧以
外藩夙通襟契憫羊曇之未立早託謝家憐康伯之無歸
常依王氏拔於幽滯處以周行遂俾南憲中臺屢承闕乏
內庭西掖比辱昇遷邁越時流塵污中旨恩渥非次性分
難移徒當侍從之榮莫有論思之效竟使懼因福過疾以

憂成外雖全人中抱美疾常願青蒲瀝懇紫殿披誠進退
未聞過累仍積及正名綸閣收跡翰林尋欲竊候休旬伏
拜蕭屏謝昔年之朝獎抒他日之私誠而機事且繁燮和
少暇齋沐累至肝腸莫從旋屬虜帳夷氛壺關伐叛絳臺
北控有元戎大集之師鄭國東臨過列鎮在行之眾任當
調發事屬供須豈斯擇材皆在非據周旋三郡縣歷兩霜
頒宣詔條祇惕廟畫雖無咎悔亦乏殊功今幸四海無塵
六州嚮化靈臺偃伯衢室歸尊是修明禮律之初舉拔俊
賢之始而鄭之爲地右臨梁苑左倚成皋比之列藩實爲

劇郡山東望族幾同屈景之強洛邑頑民常雜萑蒲之聚
永言出牧豈易其人而又孔道所因使車旁午送迎或闕
則怨譴流詞館餽稍乖則職司貽辱託之金器猶或難居
矧在朽材寧宜久處 伏思自隨宦牒遽忝恩榮位至圭
符寵當金紫或筋骸無苦心志有餘卽豈願踞熊軾以告
勞指隼旟而辭疾直以攝生寡妙舊恙無全儻或形言懼
塵清聽每朝昏改候霧露用威則或至問俗有違在公多
廢坐爲尸祿行有媿顏而又貪明盛之時有婚嫁之累未
敢高論止足直乞退休是以輒疏精誠上干陶冶伏惟相

公雲龍協應舟楫呈功比屋可封期於屈指一夫不獲固
以動心如蒙曲鑒深情猥從志願置之他所以遂其愚則
吳楚列城江關別郡雖居鄰佐亦委緝綏獲安病躬豈敢
擇地猶希磨淬鉛鈍撫養疲羸積以歲時少裨塵路伏惟
試賜恩照圍減帶緩髮稀弁傾窅然向風目極心往下情
無任攀戀感激惶懼之至

爲絳郡公上李相公啟

某少悲羈紲不承師友之親規晚學文章麤致鄉曲之名
譽謬汙官秩遂彰華纓握蘭清曹視草禁掖貪叨過極憂

責非寧蚤爲寒暑所侵頗染肺腸之疾自頃以慶雲結陰
宸極繫心當就望以推誠於煎調而以裕前歲伏蒙任使
奉遠承明值朝廷興問罪之師原野有宿兵之餽絳城甚
苦鄭駟非完加之以降虜移鄉仍之以貴臣銜命飛輓之
外將迎實繁旁奉廟謨上尊詔旨動繁調發居勞撫安抱
疾以臨爲日斯久伏幸姦克克又濡澤橫流是大朝黜陟
之初良冶埏鎔之始此郡路通四境名冠六雄軒蓋以來
原野交錯萑蒲有聚武吏貽憂雖清時無杼柚之虞而常
日有逋懸之賦必在假之賢守屬以強材然後謠詠克興

公私不廢豈可使某素兼疴恙本乏良能久於是邦以主
東道饋飧將藥甌並進假牒與公案相隨含意不言貪榮
是罪相公漢籌始運殷鼎將調度材任官歸於至當存誠
愛物決在無頗竊敢自託緘封遠干樽俎俯期恩意以保
衰微且某運偶昌期年初知命豈不願臨劇郡稍冀榮途
但以力有所不任心有所不逮雖欲勉強實憂傾敗彼吳
楚偏鄉非舟車要路永言凋瘵亦藉緝綏儻特降優容遙
聞擬議則朽質有報恩之所羸軀收曠位之譏宿疚或痊
理劇未晚伏惟試賜裁度嚮風披懇服義陳詞仰台耀以

瞻輝望洪鈞而佇
丁冒尊聽伏積兢惕謹啟

爲絳郡公
史館李相公啟

某啟伏以秉大鈞者以物得其所爲先執大化者以材適
於任爲急將以致理在明命官使輕重合宜大小有裕然
後人稱其職職無廢人此相公之所明知也某材術素寡
聲光莫聞偶叨承平謬登華顯洎分符竹使絕籍金閨一
授專城再易灰琯且解巾臨郡前賢攸重一麾出守昔人
所榮雖積戀於本朝實俯光於單緒况又此州管叔舊國
帝鴻遺墟接彼嶢嶢浸以京索聚山東之右族邇洛表之

宸居內揣非才頗虛信任而復以通莊所自假道攸繁載
惟餞迓之勞實半頒宣之務必屬於壯齒付彼全人用以
責功僅能集事某早年被病晚歲加深衣袴無取於潔清
藩溷動淹於景刻徇己則坐墮物務業官則立致蕭衰欲
俱濟於公私實加憂於寤寐矧茲仍歲適有外虞降卒征
人旬時併集飛芻輓粟星火爲期以此疚心彌深舊恙今
衰瀛大定雨露旁流高步翰飛一呼而至雲羅場藿萬里
無遺將調斯人以求良牧得才爲美今也其時儻蒙允贊
聰明曲聽奏記俯憐哀薊稍賜優容則亦不敢便掛簪纓

遽離陶冶江湖偏郡襦袴須人無根節之難少舟車之會
俾之養理使得便安庶麤致人謠以酬廟算則某所謂材
有稱職時無廢人凡在宦途皆仰時化伏准試賜恩察違
離漸久刺謁末由昔在孔門常忝四科之列今瞻魯史將
期一字之恩下情無任感戀兢惶之至

爲絳郡公上崔相公啟

某啟某本洛下諸生山東舊族麤霑科第薄涉藝文謬藉
時來因成福遇青纁赤管已忝於清華黃紙紫泥仍參於
宥密相公早容薄伎獲寄光塵別殿朝迴禁林夜直每披

襟素常賜話言知蔣琬之爲公敢矜先見哀馬卿之多病
亦辱來言圭律未遐銘鏤斯在相公鹽梅調味舟楫濟時
晉水擒兇韓都蕩梗以不剛不柔貞百度以無偏無黨定
九流若某者實有何能可叨出牧絳田已非厥任滎波轉
過其材間歲以來爲政非易有南遷之降虜有西出之戎
師資靡所供餽牽之備未嘗造次敢怠躬親今梟獍埽除
馬牛歸放將使坐臻富庶必先用得才能此地名高六雄
實控東道分憂之寄自昔爲榮況在疏蕪敢忘涯分但以
輜軒全至賦貢川流非惟撫字之難兼有送迎之遽舊疴

加甚朽質難堪假故稍頻曠廢爲懼又以宦游旣久故里
多違陶令之田園將蕪向平之婚嫁未畢顧惟羈絆未可
歸休竊敢遠疏丹誠上千清重非獨祈恩於時宰實將誓
款於已知儻蒙以然諾爲心誠明濟物垂憂不逮賜議所
安則吳楚之間郡邑非少不當衝要或異膏腴使之頒條
庶可求瘼昨賊平之後啟事尋成冰霜始嚴筆札未暇又
伏慮內庭展顧稱已推遷外郡寓詞頗乖流品沈吟有日
鬱抑經時今則情素坐煎驅馳行久若猶緘嘿是負陶甄
伏惟曲賜恩鑒誠懸書殿戀積台階比殷浩之空函情同